



Սիրելի Անդամներ,

1963-ը եղաւ դժուարութեանց եւ զանազան անակնկալներով լի եւ սակայն արդիւնաւոր տարի մը, որուն ապահով լրանալուն համար փառք կուտամ Աստուծոյ եւ սիրով կողջունեմ բիւրրդ:

Ժամապաշտութիւն

Անցնող տարուան ընթացքին, աշխատեցանք կանոնաւոր կերպով ունենալ ամսական պատարագներ, բացի ամառուան երեք ամիսներէն եւ Հոկտեմբեր ամիսէն: Հետեւեալ եկեղեցականները այցելած են ծուխս, անցնող տարեշրջանին եւ պատարագով, քարոզչութեամբ եւ դասախօսութիւններով հոգեւորապէս մխիթարած մեր համայնքը:— Հոգշ. Տ. Ժիրայր Աբղ. Թաշճեան (Փետր. 3), Արժ. Տ. Առնակ Բհնյ. Գասպարեան (Մարտ 10), Արժ. Տ. Տիրան Բհնյ. Փափագեան (Ապրիլ 14 եւ Դեկտ. 8), Հոգշ. Տ. Միւռոն Ծ. Վրդ. Կրճիկեան (Մայիս 5), Հոգշ. Տ. Իսահակ Ծ. Վրդ. Ղազարեան (Յունիս 29), եւ Հոգշ. Տ. Եղիշէ Վրդ. Կիզիրեան (Նոյմ. 3): Ձանք տարած ենք որ եկեղեցական արարողութիւնները կատարուին անթերի եւ հանդիսաւոր: Անցնող տարուան ընթացքին շարունակեցինք կանոնաւոր կերպով կատարել ձաշու ժամերգութիւն, կիրակի առաւօտները, Կիրակնօրեայ Դպրոցէն վերջ: Կը ցաւիմ ըսելու որ, հակառակ քանիցս եղած թելադրութեանց եւ կայտարարութեանց, ժամերգութեանց ներկայ եղողներուն թիւը սակաւաթիւ էր: Մեծ Պահքի շրջանին շորեքմաբթի երեկոներ ունեցանք, Անգլերէն լեզուով, Խաղաղական եւ Հանգստեան ժամերը որ մեծապէս գնահատուեցաւ մասնաւորաբար երիտասարդ տարրին մէջ: Ձերմապէս կը գնահատենք Եկեղեցւոյս վեթերան ուրարակիր Կարպիս Պալտրեանը որ անթերի կերպով կը կատարէ իր պաշտօնը, Դպրապետ Ստեփան Սարահեանը որ իր լաւագոյնը կընէ Դպրաց Դասը զարգացնելու եւ տալու մեզի մեր զմայլելի եկեղեցական երաժշտութիւնը, երգահանահար Տիկ. Հայկանուշ Զէքէմեանը, որ իր թանկարժէք մասնակցութիւնը կը բերէ, Դպրաց Դասի բոլոր անդամները, ինչպէս նաեւ մոմակալներ Մարտիրոս Մխիթարեանը եւ Թովմաս Աթբեանը եւ ձաշու Գիրք կարդացողներ Ռապրթ Ապտալեանը, Տիգրան Աթբեանը եւ էլ ընդ որազանեանը:

Ծիսակատարութիւն

Անցնող տարեշրջանին ունեցած ենք երեք մկրտութիւն, երկու դրոշմ, երկու ամուսնութիւն եւ մէկ թաղում:

Այցելութիւններ

Ձանացած ենք չթերանալ եւ ժամանակին կատարել մխիթարական եւ ցաւակցական այցելութիւններ, մասնաւորաբար հիւանդանոցները: Տուած ենք ընդամէնը 283 այցելութիւններ հետեւեալ առիթներով:— հիւանդ 22, սգաւոր 2, ընտանեկան հարցեր 35, քոյր եկեղեցիներու 7, բարի գալուստի, ողջերթի, մկրտութեանց եւ զանազան առիթներու եւ հաւաքոյթներու 68, ծխական այցելութիւններ 149:

Գրասենեակի աշխատանք

Մեր հոս գալէն անմիջապէս վերջ, սկսանք կարգի դնել Գլխավէնտի հա

Սարկաւազի Տեղեկագիր - Երես 2

մայնքին հասցէներու ցանկը: Մինչեւ թուականս կրցած ենք ճշդել 260 հասցէներ եւ այցելել անճերը, կարելիութեան սահմանին մէջ: Դասաւորած ենք նաեւ ծուխին բոլոր թղթակցութիւնները 1960-էն սկսեալ:

Դասախօսութիւններ

Առանց նկատի առնելու եկեղեցւոյս ենթակայ մարմիններու տրուած դասախօսութիւնները, կրնամ յիշել հետեւեալ կազմակերպութիւնները որոնց խօսած եմ հրաւերով: - Թորոնթոյի Երիտասարդաց Կազմակերպութեան, Տիթրոյթի Հայց. Եկեղեցւոյ Կիրկ. Դպրոցի Մտղաց Կազմակերպութեան, Տիթրոյթի Հ.Ե. Ե.Կ., Մեծագոյն Գլխիվէնտի Եպիսկոպոսականաց Երիտ. Կազմակերպութեան:

Ժողովներ

Անցնող տարեշրջանին մեր եկեղեցւոյ մարմիններու գրեթէ բոլոր ժողովներուն ներկայ եղած եմ, ընդամենը 82: Այս ժողովներէն դուրս ներկայ եղած եմ նաեւ կարգ մը մասնաւոր ժողովներու երբ ուղղութիւն մը տալու կամ դժուարութիւն մը լուծելու հարկը ներկայացած է:

Թեմական Պատգամաւորական Ժողով

Մայիս 18 եւ 19, 1963-ի շաբաթավերջին ներկայ եղայ Թեմական Պատգամաւորական Ժողովին, Թրոյթի Ս. Պետրոս Եկեղեցիին մէջ:

Հայց. Եկեղեցւոյ Երիտասարդաց Կազմակերպութիւն

Ներկայ եղայ նաեւ Հ.Ե.Ե.Կ.ի Տարեկան Համագումարին ի Մոնթրէալ, Գանատա, Օգոստոս 31 եւ Սեպտեմբեր 1-2, 1963-ի շաբաթավերջին: Այդ առթիւ ներկայ պատգամաւորներուն տուի դասախօսութիւն մը էկումենական Շարժման մասին, բնորոշելով Ամերիկայի Հայ Երիտասարդութեան դերը այդ Շարժումին մէջ:

Ամառնային Աշխատանք

Առաջնորդ Սրբազան Հօր կարգադրութեամբ եւ Միական Խորհուրդիս բարձրագոյնութեամբ Յունիս ամսուան սկիզբը գացի Ս. Ներսէս Աստծ. Դպրոցը Էվրոսթընի մէջ, կարգ մը դասընթացներու հետեւելու: Յուլիս ամսուան սկիզբը մեկնեցայ Գերշ. Տ. Տիրան Արք. Ներսոյեանի հետ Մոնթրէալ, Գանատա, մասնակցելու Եկեղեցիներու Համաշխարհային Խորհուրդին Հաւատքի եւ Կարգի Տասնամեայ Համագումարին, իբրեւ հիւր ներկայացուցիչ եւ քարտուղար: Տիրան Սրբազանի, Հայց. Եկեղեցւոյ կողմէ: Ներկայ էին մօտաւորապէս 500 աստուածաբաններ եւ եկեղեցականներ աշխարհի բոլոր կողմերէն: Ինծի համար, այս մօտ մէկ ամիս տեւող ժողովը եղաւ առիթ մը մօտէն ծանօթանալու էկումենական շարժման եւ նպատակին: Օգոստոսի սկիզբը Մոնթրէալէն մեկնեցայ Հիւսիսային Միշիկըն, Տիթրոյթի Ս. Յովհաննէս Եկեղեցւոյ Կիրկ. Դպրոցին կազմակերպած առաջին Բէմբը, իբրեւ հոգեւոր առաջնորդ եւ տեսուչ: Կը փութանք որ գալիք ամառուան ընթացքին կարգադրութիւն կըլլայ մեր Մուխէն ալ փոքրերը Ղրկել սոյն Բէմբը: Սեպտեմբերի սկիզբը վերադարձայ Գլխիվէնտ պաշտօնիս:

Հայ Դպրոց

1963-ի առաջին շրջանին հաստատեցինք փոքրերու համար երկու Հայ Լեզուի դպրոցներ, մին Գլխիվէնտի իսկ միւսը Էթրընի մէջ: Երկուքն ալ յաջող կերպով աւարտեցին իրենց շրջանը անցեալ Մայիսին: Կը ցաւիմ ըսելու

որ, կարելի չեղաւ դարձեալ սկսիլ այս դպրոցները Սեպտեմբերին: Ծնողներու վրայ ծանր պարտականութիւն կիյնայ լրջօրէն նկատի առնել այս խնդիրը եւ վերաբանալ այս դպրոցները փոքրերու հայեցի դաստիարակութեան եւ զարգացման համար: Այս առթիւ կը փափաքիմ հոս յիշել որ, անցնող նոյեմբերին սկսանք մեծերու պատմութեան եւ եկեղեցական գիտելիքներու դասարան մը որ յաջողութիւն գտաւ եւ կը շարունակուի երկշաբաթական հանդիպումներով:

Ծխական Թերթիկ

Անցեալ տարի շարունակեցինք հրատարակել ծուխիս Թերթիկը — ՓԱՐՈՍ — Հայերէն եւ Անգլերէն բաժիններով: Ինչպէս անցեալին ըսած ենք, այս Թերթիկը առաւել ծախք մըն է Ծխական Խորհուրդին վրայ եւ անհատական նուէրներ մեծապէս կը գնահատուին: Թերթիկէն զատ, ձեռնարկներու եւ այլ առիթներով ղրկած ենք մասնաւոր յայտարարութիւններ: Փարոսի տպաքանակն է 360:

Թելագրութիւններ

Ծուխիս կրօնական, եկեղեցական եւ ազգային-մշակութային կեանքի յառաջդիմութեան տեսակէտէն անհրաժեշտ կը համարենք հետապնդումը այս տարեշրջանին, հետեւեալ կարեւոր կէտերուն:—

ա. ՓԱՐՈՍ Թերթիկի աւելի ճոխ հրատարակման համար պէտք է կազմուի խմբագրական կազմ մը, Թերթին աշխատանքները լաւագոյնս յառաջ տանելու համար:

բ. Գրասենեակի գործերը, մէջն ըլլալով Փարոսի հրատարակութիւնը, աւելի կանոնաւոր ընելու համար պէտք ունինք ծալլիչ եւ հասցեագիր մեքենաներու, որոնք այլեւս անհրաժեշտ կը դառնան:

գ. Մեր պատանիներն ու երիտասարդները եկեղեցւոյ եւ հայ հարազատ մշակոյթին ընտանի դարձնելու եւ զանոնք ուղիղ առաջնորդելու համար պէտք է կազմուի յանձնախումբ մը, ծրագիր մը մշակելու եւ բանալու հայ լեզուի, պատմութեան եւ երգի դպրոց մը ծուխէս ներս:

դ. Մասնաւոր ուշադրութեան առարկայ պէտք է դառնայ եկեղեցւոյս Դպրաց Դասը որ այդքան կարեւոր մէկ մասնիկն է եկեղեցւոյս: Զօրաւիզ պէտք է կանգնինք անոր զօրացման եւ բարգաւաճման համար:

Այս նոր տարուայ սեմին մեր բոլորին գերագոյն պարտականութիւնը պէտք է ըլլայ անդրադառնալ այն հսկայ աշխատանքին եւ նուիրումին որ մեզմէ իւրաքանչիւրը պիտի բերէ յառաջիկային, Աստուծոյ օգնութեամբ եւ առաջնորդութեամբ, մեր Սուրբ եկեղեցւոյ պայծառութեան եւ բարգաւաճման համար: Թիչ վերջ պիտի տեղեակ ըլլաք եւ հաստատէք 1964-ի պիւտէն: Նկատի ունենալով որ նիւթական դրամը կարեւոր է եկեղեցւոյ առօրեայ գործերու մը յառաջացման համար, բոլորիդ լուրջ նկատառման կը յանձնեմ տարեվճարներու հարցը: Լրջօրէն պէտք է մտածէք այս խնդրի մասին եւ ձեր խղճի ձայնին անսալով, աւելցնէք ձեր տուրքերը: Այսօր չկայ մեր ծուխին մէջ ընտանիք մը որ 5000 տոլարէն պակաս եկամուտ ունի (բացառութիւնները յարգելի են): Եթէ իւրաքանչիւր ընտանիք իր շահածին ՄԻԱՅՆ 100ին 1-2 տոկոսը տայ եկեղեցիին, արդէն իսկ յաջողած կըլլանք մեր բոլոր ծրագիրներուն մէջ: Այս տարի յոր անկիւնադարձ մը պիտի ըլլայ մեր համայնքի պատմութեան մէջ, շատ աւելի կարեւոր պիտի դառնայ ձեռն իւրաքանչիւրին բարոյական եւ նիւթական լայն աշակցութիւնը: Բոլորս ալ առաւել կամ նուազ պաշտօններ ունինք այս համայնքին մէջ, մեր Հայրերուն հաւատքը եւ մեր ազգային ժառանգութիւնները պահելու եւ յաւերժացնելու: Աստուծոյ

Սարկաւագի Տեղեկագիր - Թրես 4

Այգիին մէջ ջանանք ըլլալ հաւատաւոր, օգտակար եւ բարի մշակներ, ու լաւ գոյնս արդիւնաւորենք մեր պարտականութիւնները: Մեր նախահայրերը հաւատքով ապրեցան, ստեղծագործեցին ու կտակեցին իրենց մտքին ու հոգիին արդիւնքները: Ծարունակենք անոնց սուրբ գործը եւ նախանձախնդիր ըլլանք մեր հոգեւոր ժառանգութեանց պահպանման: Մէկ կողմ պէտք է դնենք անձնական հաշիւները, անցեալի ցաւերը, թշնամութիւնները եւ գաղափարի տարբերութիւնները ու յառաջանք նոր իտիալներով եւ Սիրոյ օրէնքին ներմուծումով մեր կեանքերէն ներս: Եկեղեցւոյ շէնքին շինութիւնը վերջացաւ ձեր բոլորին օգնութեամբ. այժմ կսկսի բուն գործը կարենալ պահել ու զայն: Նուիրենք մեր բիւր ջանքերը այս կոթողական գործին յաջողութեան եւ շարունակման համար: Սրտագինս կ'աղօթեմ որ Աստուծոյ հովանին անպակաս ըլլայ մեր բոլորին վրայէն, զօրացնէ զմեզ, աւելցնէ մեր եռանդը եւ օրհնէ մեր սրտին ու մտքին աշխատանքները: Ամէն:

*Իտիւ (և) Ամ. Սարկաւագ*